

IIB MA GALO

الرسمية



الجريدة

FAAFINTA

RASMIGA AH

JAMHUURIYADDA DIMOQRAADIGA SOOMAALIYA

لجمهورية الصومال الديمقراطية

Sannadka 6aad

Muqdisho 1 Okt.1978 L. 10

Laanta Faafinta Rasmiga ah ee Madaxtooyada J.D.S.

FAAFINTA BIL SOO BAXA

جريدة شهرية

QIIMADU: waa 5 shilin lambar waliba — RUKUNKA: Sanadii waa Sh. 100 Somaliya gudeheeda — dibaddedana waa Shs. 300. Rubunka la weydiis'o waqtiga loo gooyey wuxuu ka bilabmaa 1 Janayo. Qiimaha qortitaanku F.R. halkii sadar iyo waxii ka yar waa 2 laba Sh. — Rukunka iyo qoritaanku waxaa la weydiistaa Laanta Maamulka Faafinta Rasmiga ah — Lacagta waxaa lagu bixinayaa Xafiiska Canshuraha ee Wasaaradda Lacagta

KOOBNIIN

QAYBTA KOWAAD

SHARCI

SHARCI L. 38 ee Setembar 78, Dhismaha Wa-
kaaladda Gaadiidka Qaranka.

Bug 641

QAYBTA LABAAD

XEER MADAXWAYNAHA J.D.S., 72 ee 18 sebt. 78
Toosin Xarafyada (b) iyo (t) ee Xeerka L. 56
ee 21 Maajo 1978.

“ 647

QAYBTA SADDEXAAD

TALOOYIN ISGAARSIIN OGEYSIIS IYO WIXII LA MID AH

WASAARADDA HAWLAHA GUUD, 4.7.78, Bed.
Naado Dhul Jaalle Islaaw Maxamed Nuur
L. 527

“ 649

WASAARADDA HAWLAHA GUUD, 4.7.78, Bed.
Naado Dhul Jaalle Xasan Aadan Cabdi L. 528

WASAARADDA HAWLAHA GUUD, 13.7.78, Bed.
Naado Dhul Jaalle Xadiyo Darror L. 529

“ 650

Wakaaladda Madbacadda Qaranka — Muqdisho.

QAYBTA KOWAADD

SHARCI L. 38 ee 30 Setembar 78, Dhismaha Wakaaladda Gaadiidka Qaranka.

MADAXWAYNAHA J.D.S.

ISAGOO ARKAY: Xaashida 1aad, 2aad, iyo tan 3aad ee Kaacaanka;

ISAGOO ARKAY: Sharciyada lambarkoodu yahay 17,18, iyo 19 ee soo baxay 1.7.1976,

ISAGOO ARKAY: Sharciga lambarkiisu yahay 16 socna baxay 1dii Abriille 1970 kuna saabsan Wakaaladaha Madaxa bannaan iyo wixii beddelaad ah ee ka dambeeyay;

ISAGOO ARKAY: Sharciga lamb. yahay 36 taariikhdiisuna ahayd 22.4.72 kuna saabsan shaqaalaha Wakaaladaha Madax bannaan,

ISAGOO ARKAY: Sharciga lamb. yahay 34/Bis ee soo baxay 1dii Abriille 1977 kuna saabsan sharciga Farsamayaqaanada.

ISAGOO AQOONSAN: Iney tahay lagama maarmaan in la dhiso wakaalad maamusha, ururisa, habaysa, dayactirta Gaadiidka Dawladda ee Wasaaradaha iyo Wakaaladaha isla markaana kormeerta oo nidaamisa Gaadiidka Dadwaynaha.

ISAGOO TIXGELINAYA: Go'aankii Gudiga Siyaasadda X.H.K.S. iyo Golaha Wasiirada.

WUXUU SOO SAARAYAA

Sharciga soo socda:-

QAYBTA I

HABKA DHISMAHA GUUD

Qodobka 1aad

DHISMAHA WAKAALADDA

- 1) Waxaa la dhisayaa Wakaalad lagu magacaabo «Wakaaladda Gaadiidka Qaranka».
- 2) Wakaaladda Gaadiidku waxay yeelanaysaa shaqsiyad sharcigeed waxaana lagu maamulayaa sharciga Wakaaladda sharci lam. 16 ee 1dii Abriille, 1970 iyo sharci lamb. 17 ee soo baxay 21kii Abriille. 1974.

- 3) Wakaaladdu waxay hoos imaanaysaa Wasaaradda Gaa-diidka Cirka iyo dhulka.
- 4) Wakaaladdu waxay darajadeedu noqoneysaa «T»

Qodobka 2aad

XARUNTA IYO LAAMAHA WAKAALADDA

- 1) Xafiis Madaxeedka Wakaaladdu wuxuu ahaan doonaa Xamar.
- 2) Xafiis Laameed waxay Wakaaladdu ku yeelan kartaa Gobollada iyo Degmooyinka, hddii looga baahdo fulinta hawsha Wakaaladda.

Qodobka 3aad

UJEEDOYINKA

- 1) Ujeedooyinka wakaaaddu waxay yihiin:-
 - b) In ay ka qayb qaadato habka isgaarsiinta dalka iyo kobicinta dhaqaalaha Qaranka,
 - t) In ay yeelato Gaadiid u gaar ah oo hawsheeda ku fuliso,
 - j) Ka kirayso Gaadiidkeeda cid allaale ciddii u baahan,
 - x) Iney dhisan karto hoosooyin lagu hagaajiyo Gaadiidkeeda abuurtana Farsamyaaqaanu u fuliya hawsheeda
 - kh) Inay talo ka soo jeediso qiimaha baabuurta lagu kireyn karo iyadoo tixgelinaysa qaadka baabuurta iyo masaafada nooca hawsha lagu qabanayo, dhaqaalaha cidada loo shaqeynayo iyo dabeecadda meesha hawsha laga qabanayo.

Qodobka 4aad

AWOODDA WAKAALADDA

- 1) Wakaaladdu waxay awood buuxda u leedahay iney fuliso hawsha loo xilsaaray ee lagu tilmaamay Qodobka 3aad ee sharcigan.
- 2) Iyadoon dhaafin xuduudkeeda iyo himilooyinkeeda, Wakaaladdu waxay awood u yeelan doontaa ka qayb galka tartanada dalka gudahiisa ama heshiisyo qof kasta oo jira ama mid leh shakhsiyad sharciyeed.
- 3) Wakaaladdu waxay yeelan doontaa Shaqaale ay qorato si waafaqsan sharciga shaqo qorista iyo sharciga shaqaalaha Wakaaladda Madaxa bannaan, Sharciga Farsamo vaqaanada.

Qodobka 5aad

KORMEERKA ILAALINTA GUUD

- 1) Kormeerka iyo ilaalinta guud ee Wakaaladda waxaa yee-lanaaya Wasiirka Gaadiidka Cirka iyo Dhulka.
- 2) Wasiirka Gaadiidka Cirka iyo dhulka wuxuu awood u lee-yahay in cid allaale ciddii ku xadgudubta qiimihii sharci-ga lagu gooyey inuu ka joojin karo kuna wareejin karo Wakaaladda hawsha baabuurto oo uu qaban lahaa.

QAYBTA II

DHISMAHA IYO MAAMULKA GUUD

Qodobka 6aad

MAAREEYAHA GUUD

- 1) Wakaaladda waxaa madax u noqonaya Maareeye Guud, waxaana lagu magacaabayaa Dekreeto uu soo saaro Ma-daxweynaha J.D.S. isagoo tixgelinaya ra'yiga uu soo jee-diyo Wasiirka Gaadiidka Cirka iyo Dhulka.
- 2) Wakaaladdu waxay ka koobnaan doontaa waaxyo, qaybo iyo laamo.

Qodobka 7aad

HAWLAHA MAAREEYAHA GUUD

- 1) Isagoo u hoggaansamaaya sharciyada iyo Xeerarka u deg-san dalka iyo barnaamijka XHKS. Maareeyaha Guud isa-goo wakiil ka ah Wakaaladda, waxaa loo xil saaray inuu fuliyo hawlaha ku xusan qodobka 3aad ee sharcigan wu-xuuna awood u leeyahay:
- b) Inuu saxiixo heshiisyada ay Wakaaladdu dhinac ka tahay
- t) Wuxuu mas'uul ka yahay habka maamulka shaqada Wa-kaaladda isagoo awood u leh inuu qaado tallaabo kasta oo ku habboon socodsiinta hawlaha Wakaaladda.
- j) Wuxuu mas'uul ka yahay xisaabaadka Wakaaladda,
- x) Wuxuu mas'uul ka noqonayaa kor u qaadidda xirfadda iyo tababarrada shaqaalaha Wakaaladda.
- kh) In marka loo baahdo uu qaado tallaabooyinka degdegga ah haddii ay ku jirto danta Wakaaladda isagoo isla mar-kaas la socodsiinayo Wasiirka Gaadiidka Cirka iyo Dhulka
- d) waa inuu si hagar la'aan ah ula shaqeeyaa Inugga XH

- 2) Maareeyaha Guud wuxuu u fududeyn doonaa gudashada xilka ay leeyihiin Unugga XHKS, iyo Guddigga shaqaalaha ee ka dhisan Wakaaladda gudaheeda.
- 3) Marka uu Maareeyaha Guud ka maqnaado shaqadiisa sabab kasta ha ahaatee waxaa meeshiisii loo dhibayaa Agaa-sime ka tirsan Wakaaladda oo uu wasiirku ku sime ahaan u magacaabo.

Qodobka 8aad.

MAAREEYAYAASHA WAAXYAHA

Waaxyaha Wakaaladda waxaa madax u noqonaya Maareeyayaal waxaana lagu magacaabayaa Xeer uu soo saaro Madaxweynaha J.D.S. isagoo tixgelinaya soo jeedinta Wasiirka Wasaaradda Gaadiidka Cirka iyo Dhulka.

Qodobka 9aad.

SHAQAALAHA WAKAALADA

- 1) Xuquuqda sharci ama dhaqaale ee Maareeyaha Guud, Agaasimayaasha iyo Shaqaalaha kale ee Wakaaladdu waxay ahaan doonaan kuwo waafaqsan sharci lam. 36 ee 22kii Abriile, 1972, sharciga Shaqaalaha, Wakaaladaha iyo Beddelaadii ka dambeeyey.
- 2) Xuquuqda, waajibaadka iyo asluubta shaqaalaha Wakaaladda waxay ahaan doonaan sida ay tilmaamayaan sharciga Wakaaladaha Madaxa Bannaan iyo sharciga shaqaalaha.

Qodobka 10aad

Hantida Wakaaladdu waxay ka kooban tahay:-

- b) Gaadiid iyo Qalab ay Dawladdu ku wareejiso Wakaaladda kuwa ay toos u soo iibsato.
- t) Wixii ka soo gala hawlaha ay qabato Wakaaladda.
- j) Deeq ay ka hesho Dawladda iyo lacagta ay Bankiyadu amaahiyaan.

Qodobka 11aad

MIISAANIYADDA WAKAALADDA

- 1) Maareeyaha Guud marka ay tahay 31 Oktoobar sannad walba waa inuu isku dubbarridaa miisaaniyadda ku saabsan sannadka maaliyadda soo socda isagoo muujinaya lacagta soo geli doonta ama ka bixi doonta Wakaaladda, Wasiirka Gaadiidka Cirka iyo

- 2) Miisaaniyadda sannadka ee Wakaaladda waa inay ahaataa mid la socota tixgelineysana qorshaha guud ee Qaranka iyo Miisaaniyadda Dawladda ee sannadka.

Qodobka 12aad

XIRITAANKA XISAABAADKA

- 1) Maareeyaha Guud marka ay tahay 31 Maarso ama inta ka horreysa sannad kasta waa inuu isku dubbarridaa xiritaanka xisaabaadka ee sannadka la soo dhaafay isagoo isku hagaajiyey bandhiggii macaashka iyo kharashka Wakaaladda wuxuuna u gudbinayaa Wasaaradda Gaadiidka Cirka iyo Dhulka iyo tan Maaliyadda.
- 2) Wasiirka Gaadiidka Cirka iyo Dhulka wuxuu awood u leeyahay isagoo la tashanaayo Wasiirka Maaliyadda inuu oggolaado xiritaanka xisaabaadka. wuxuuna amar ku bixixin karaa in lagu qoro Faafinta Rasmiga ah ee Dawladda iyadoo Wakaaladdu kharajka bixineyso.

Qod. 13aad

XISAABAADKA (ACCOUNTS) IYO DHAWRIDDA HANTIDA

- 1) Xisaabta Wakaaladda waxa loo haynayaa si waafaqsan sharci Lamb. 58 ee 31 Luulyo 1977 iyo wixii isbeddel ah ee lagu sameeyo sharcigaas.
- 2) Xisaabaadka Wakaaladda waxa dhawraya oo baaraya Hantidhawrka Qaranka

Qod. 14aad

AMAAH

Wakaaladdu si ay u gudato ujeeddooyinka loo dhisay ayey marka uu oggolaado Wasiirka Gaadiidka Cirka iyo Dhulka amaah ka qaadan kartaa Bankiyadda iyo Ha'adaha Caalamiga ah.

Qod. 15aad

KA REEBID GANACSI GAAR AHAANEED

Sida uu dhigaayo qodobka 17aad ee Xeerka shaqaalaha Dawladda, Maareeyaha Guud, Agaasimayaasha waaxyaha iyo shaqaalaha kale ee Wakaaladda ma geli karaan ganacsi, dilaal ama farsamo lid ku ah danaha iyo ujeeddooyinka loo

QAYBTA III

QODOBBO UGU DAMBEEYS AH

Qod. 16aad

XEER NIDAAMIYE

Madaxweynaha J.D.S. wuxuu awood u leeyahay isagoo tixgeliyaayo taladda Wasirka Gaadiidka Cirka iyo Dhulka inuu soo saaro Xeer Nidaamiye Dawladeed ee lagu fulinaayo sharcigan.

Qod. 17aad

DHAQAN GELID

Sharcigan waxaa lagu soo saarayaa Faafinta Rasmiga ah ee Dawladda wuxuuna dhaqan gelayaa taariikhda uu saxiixo Madaxweynahu.

Muqdisho 30 Setember 1978

MADAXWAYNAHA J.D.S.

JAALLE S/GAAS MAXAMED SIYAAD BARRE